

SCRIPT OF EVENING GOJRI NEWS BULLETIN 15JULY 2026

1700HRS

اوننگ گوجری نیوز بولیٹن 15 جولائی 2026

یوہ آکاشوانی جموں بے محمد اشفاق تے نصرت تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے ضلع انتظامیہ راجوری تے جموں کشمیر کا محکمہ ثقافت نانہہ تاریخی بھیریو یاترا نانہہ بھارتی غیر محسوس ثقافتی ورثہ غی شہرست مانہہ شامل ہون ور مبارک باد پیش کی ہے۔
- ۲۔ لیفٹیننٹ گورنر منوج سنہا نے بھگوتی نگر یاتری نواس جموں مانہہ پُج غے یاتریاں بارے سہولت تے دیگر انتظامات غو جائیزو لیو۔
- ۳۔ حفاظتی دستاں نے ضلع پونچھ غا ساوجیاں علاقہ مانہہ دہشتگرداں غی ایک کمین گاہ غو پردو فاش کیو ہے۔
- ۴۔ سی آئی ایس یف غا ڈائریکٹر جنرل نے جموں شری امرناتھ جی یاترا بارے حفاظتی انتظامات گو جائیزو لیو۔
- ۵۔ ریاسی انتظامیہ نے دریائے چناب مانہہ پانی مخصوص سطر تیں بدھ جان ور عوام نانہہ خبردار کیو ہے۔

LG BHAIKAV YATRA

لیفٹیننٹ گورنر منوج سنہا نے ضلع انتظامیہ راجوری تے جموں کشمیر محکمہ ثقافت نانہہ تاریخی بھیریو یاترا نانہہ بھارت غی غیر محسوس ثقافتی ورثہ مانہہ شامل ہون ور مبارک باد پیش کی۔ جناب سنہا نے کہیو جے یاہ راجوری واسطے بڑا فخر غی گل ہے۔ کیونجے جے یاہ پہل علاقہ غی مزہبی تے ثقافتی جڑاں نانہہ دستاویزی شکل مانہہ محفوظ کرن مانہہ اہم کردار ادا کرے غی۔ انہاں نے کہیو جے یوہ قومی اعزاز اُن عقیدت منداں غی نسلان غی یاد دوائے کرے جنہاں نے اس ثقافت نانہہ زندہ رکھن مانہہ اپنو اہم کردار پیش کیو۔ جناب سنہا نے مزید کہیو جے بھیریو یاترا غو قومی غیر محسوس ثقافتی ورثہ مانہہ شامل ہونو راجوری غا خاص ثقافتی ورظہ نانہہ قومی سطر ور ایک پہچان دے غو۔

LG YATRI NIWAS VISIT

لیفٹیننٹ گورنر منوج سنہا نے اج بھاگواتی نگر یاتری نیواس جموں گو دورو کرے امرناتھ جی یاترا واسطے جاریا یاتریاں غی سہولت تے دیگر انتظامات بارے جائیزو لیو۔ یاد رے جے صرف 12 اراں تہاڑاں مانہہ قریب 3 لکھتوں متا یاتری اس یاترا غو حصو بنیا ہیں اس ضمن مانہہ جناب سنہا نے کہیو یاتریاں واسطے محفوظ تے بہتر انتظامات نانہہ یقینی بنان مانہہ انتظامیہ اپنو اہم کردار ادا کررئی ہے۔ ایک جائیزہ میٹنگ غے دوران جناب سنہا نے جموں کشمیر پولیس بھارتی فوج ، شرانین بورڈ غا اراکین تے دیگر حفاظتی دستاں غی کوشش تے لگن نانہہ سہراٹاں واں کہیو جے یاتریاں سنگ مزید خندہ پیشانی سنگ پیش آویں

تے اُنہاں نانہہ تمام مناسب سہولیات فراہم کی جے۔ اس بارے مزید مہارا نمائندہ
غی زبانی-----

HIDEOUT BUSTED

جاتی رات ضلع پونچھ گا ساوجیاں علاقہ گا کناں جنگلاں مانہہ ایک تلاشی
کاروانی غے دوران حفاظتی دستاں نے دہشت گرداں غی ایک زمین دوز پناہ گاہ گو
پردو فاش کیو جت متی تعداد مانہہ گولی سکو وی برآمد کیو گیو ہے۔ مہارا
آکاشوانی گا نمائندہ نے دسیو جے ساوجیاں گا کناں جنگلاں مانہہ ایس او جی تے
دیگر حفاظتی دستاں غی سانجی کاروانی سنگ اس کمین گاہ غو پتو لایو گیو جت
پکا مشین گن گا قریب 2 سو 46 روند برآمد کیا گیا۔

JU BOOK BLACKLIST

جموں یونیورسٹی نے متنازعہ کتاب

Personalities and legends of J&K

غا مصنف تے اس گا چھاپن آلاں ور پابندی لادتی ہے تے یونیورسٹی گا تمام
شعباں نانہہ ہدایت جاری کی جے وے ایسا کسے وی مواد نانہہ اپنا کتاب خانہ
تے دیگر آن لائن ذریعے وروں فوری ہٹاویں ۔ یوہ فیصلو اُس وقت لیو گیو جد
اسکول تعلیمی محکمہ غی طرفوں ایک سرکاری حکم نامو جاری کیو گیو۔ جس
مانہہ اس کتاب غا مصنف تے شاعہ کرن آلاں ور پابندی عائد کی گئی۔ جن مصنفین
ور پابندی لائی گئی اُن مانہہ جلال احمد ، سنتوش مینا تے ڈاکٹر سوشانت گری
شامل ہیں جد کہ اس کتاب گا چھاپن آلاں اوپر اے بُک سروس جموں تے انوراگ
پرکاشن جموں ور وی پابندی عائد کی گئی ہے۔

SHIKSHAK SAHAYAK CHATBOT

محکمہ تعلیم رام بن غی جانب تیں شکشک سہایک چیٹ بوٹ ور خصوصی توجہ دے
رئی ہے۔ یوہ مصنوعی ذہانت ور مبنی ایک خصوصی نظام ہے ، جہیزو اساتزہ
نانہہ ڈیجیٹل سبق، ورک شیٹس تے کمزور طلبہ واسطے تعلیمی مواد فراہم کرے۔
یوہ نظام ودیا سمکشا کیندر غے تحت کم کرریو ہے تے تدریسی عمل نانہہ بہتر
بنان مانہہ اساتزہ غی مدد کرے۔ اس غے ذریعے تعلیم غا شعبہ مانہہ نگرانی ،
شفافیت تے کارکردگی نانہہ مزید موثر بنایو جارہیو ہے۔ اس بارے مزید جانکاری
دیتا واں رام بن تیں ڈائیٹ غا استاد شہنواز گنی نے اس طرح کہیو۔-----

DG CISF

سینٹرل انڈسٹریل سکیورٹی فورس غا ڈائریکٹر جنرل پرویر رنجن نے اج جموں غا
دورہ غے دوران جاری شری امرناتھ جی یاترا 2026 بارے حفاظتی انتظامات غو
جانیو لیو۔ آکاشوانی جموں گا نمائندہ غے مطابق، پرویر رنجن نے اہم مقامات غو
معائنہ کیو تے سی اے پی ایف، جموں کشمیر پولیس، بھارتی فوج تے دیگر
متعلقہ اداراں غا اعلیٰ افسراں غے نال ایک اعلیٰ سطحی حفاظتی صورتحال بارے
اجلاس غی صدارت کی۔ سنئیر سی آئی ایس ایف، افسراں غے ہمراہ ، ڈی جی
موصوف نے حفاظتی انتظامات غو تفصیلی جانیو لیو۔ دورہ غے دوران اُنہاں نے

بھگوتی نگر بُنیادی کیمپ ، جوائنٹ پولیس کنٹرول روم ، سی سی ٹی وی کنٹرول روم تے توہی ریور فرنٹ غو وی معائنو کیوبعد مانہہ اُنہاں نے اعلیٰ سطحی حفاظتی اجلاس غی صدارت کی۔

REASI CHENAB ADVISORY

ضلع انتظامیہ ریاسی نے ایک عوامی ہدایت نامو جاری کرتا واں خبردار کیو بے کہ 16 جولائی تیں 26 جولائی 2026 غے دوران درائے چناب مانہہ پانی غی سطح بدھن غا امکان ہیں۔ انتظامیہ غے مطابق، سلال، تے بگلیہار پن بجلي منصوبان مانہہ ریزروائر تیں گارو گڈھن غا عمل غی وجہ تیں پانی غی سطح مانہہ اچانک اضافو ہوسکے۔ دریائے چناب غے کنڈے رہن آلا لوکاں تے عام شہریاں تیں اپیل کی گئی بے کہ وہ اس دوران انتہائی احتیاط برتیں تے دریا غے قریب جان تیں گریز کریں۔ انتظامیہ نے کہیو بے کہ پانی غی سطح مانہہ اچانک تبدیلی تیں جان و مال غو خطرو لاحق ہوسکے۔ اس بارے مزید جانکاری دیتا واں ضلع منرلز افسر، محمد امتیاز نے اس طرح کہیو۔

WEATHER

محکمہ موسمیات نے اج تیں 17 جولائی توڑی جموں کشمیر مانہہ گرم موسم غے نال کتے کتے ہلکی بارش غی پیشن گوئی کی بے۔ محکمہ غے مطابق 18 تیں 20 جولائی غے بشکار مرکزی زیر انتظام علاقہ غا کئی مقامات ور گرج چمک غے نال تازہ بارش غو سلسلو جاری ہوسکے۔ عوام نانہہ مشورو دتو گیو بے کہ وہ موسم تیں متعلق جاری ہدایات ور عمل کریں ، خاص طور ور شدید بارش تے گرج چمک غے دوران احتیاط برتیں۔ اس بارے مزید جانکاری دیتا واں محکمہ موسمیات غا ڈائریکٹر مختار احمد نے اس طرح کہیو۔

ANNOUNCEMENT

آکاشوانی جموں غی طرفوں بکھ بکھ زُمران واسطے درخواست طلب کی گئی ہیں۔ آکاشوانی جموں غا علاقائی خبران غا شعبہ غی طرفوں پہاڑی زبان واسطے عارضی نیوز ریڈر کم مترجم (این آر ٹی) تے اسٹینو پینل غی تشکیل واسطے اہل امیدواران تیں درخواست طلب کی گئی ہیں۔ درخواست گزاران غو جموں کشمیر غو باشندو ہونو ضروری بے تے اُن غی عمر 21 تیں 50 بہراں غے درمیان ہونی لوڑے۔ این آر ٹی واسطے امیدوار غو کسی تسلیم شدہ یونیورسٹی تیں گریجویٹ ہونو، پہاڑی زبان ور پکڑ مضبوط رکھنوتے نشریات واسطے عمدہ آواز غو ہونو لازمی بے۔ جد کہ اسٹینو واسطے امیدوار غو کسی تسلیم شدہ تعلیمی بورڈ تیں بارہویں جماعت پاس ہونو، پہاڑی زبان ور مہارت رکھنو اور کمپیوٹر ور پہاڑی زبان مانہہ 25 تیں 40 الفاظ فی منٹ غی ٹائپنگ رفتار ہونو لازمی بے۔

خواہشمند امیدوار اپنی درخواستان غی ہارڈ کاپی تمام مطلوبہ دستاویزات نال ہیڈ آف نیوز، ریجنل نیوز یونٹ آکاشوانی پنج تیرتھی جموں پن کوڈ 180001 میں بڑات خُدا اتار 19 جولائی 2026 تک جمع کرا سکیں۔

درخواست غی فیس جنرل زمرہ غا امیدواران واسطے 355 روپے جد کہ ایس سی، ایس ٹی تے او بی سی زمرہ غا امیدواران واسطے 265 روپے مقرر کی گئی بے، جس مانہہ 18 فیصد جی

ایس ٹی وی شامل ہے۔ فیس پرسار بھارتی، آل انڈیا ریڈیو جموں غابینک خاطہ
نمبر 10582387126 جہیڑو ایس بی آئی ہری ما رکیٹ مانہہ ہے اُس مانہہ آن لائن جمع کرا
سکیں، جس غو آئی ایف سی کوڈ

SBIN0000657

ہے۔ جس مانہہ فیس آدئیگی غی سلپ یاہ سکرین شاٹ غی کاپی درخواست سنگ لانو لا
زمی ہے جس ورٹرانزکشن آئی ڈی غو لکھیو ہونو لازمی ہے۔ تفصیلی اشتہار تے درخواست
فارم آکاشوانی غی ویب سائٹ

www.newsonair.gov.in

غاآسامیاں غا سیکشن مانہہ دستیاب ہے مزید معلومات واسطے امیدوار ان نمبرات ور
رابطو کر سکیں۔ نمبر اس طرح ہیں۔ 01912546658 یاہ 9697177241۔
